

兩
浙
輶
軒
錄

兩浙輟軒錄卷三十六目

查 芬 陸攀堯 羅 棠 羅愛梧 張 藻

吳光昭 陳孝治 章 瑛 嚴光祿 朱鴻猷

竺沅鈐 周 閔 金振豫 唐夢鵬 王克寧

何經鶚 沈天漁 許 鏞 王承性 何 蕃

宗聖堂 杭必成 陶士英 趙 蘭 謝 洲

王曜然 商 璜 楊世植 顧青選 趙 青

凌 雲 陳 芳 楊 潮 沈 錡 童 鶚

徐 溥 徐以泰 周光裕 周世文 史節粹

郭彥忠 李 均 唐廷楷 李壽朋 朱景超

陸 溶 王 潛 李則仁 吳尊尹 沈大成

徐元始 姜虬綠 石承烈 戴承熙 高英發

丁季文 丁晉 沈作忠 鍾澧 李萼
丁士穎 蔣典學 徐樹青 蔣增 陳如驊
王森穎 周蓮 金兆璠 徐炳 盧永焰
陳家模 樓元烈 王立勳 盧衍仁 胡燮
章紹曾 鄭甲 陳同文 關涵 毛郁青
蔣學鏞 葉溶 趙成寧 孫映樾 陳庭松
李品 嚴文昶 楊春 汪應紹 陳寅
朱鴻愷 朱鴻盛 姚日宣 章瓚 盧檀
孫祥鳳

浙軒錄卷三十六

督學使者阮元訂

查

芬字叔堂號查岡海寧人行

暮歸宿白雲山房二首

日夕山氣涼蒼煙忽迷路遂忘投宿遠林壑屢迴顧杳杳暮
樵歌泠泠遠鐘度惆悵白雲中間聲不知處
山莊古名藍徑僻少人跡抱閭兩峯高流泉瀉明月坐談不
能寐夜景轉蕭瑟酌茗更焚香悠然得禪悅

陸棼堯

字勳佐號疎村海寧人著疎村集

桑調元曰陸生為綸山先生曾孫子主講中州及子門
性狷介不與俗諧懇苦著述酷嗜為詩壯未昏客死濟

陽官

楊秉初曰陸棼堯為辛齋先生嘉淑之會從孫也從錢
唐桑工部調元於大梁書院調元作五岳詩倡歌凡八
人嘉興張天麟海鹽張映緯海寧俞思謙歷城朱會傳
錢唐朱家濂仁和余昂霄章邱馬藁及棼堯也棼堯早

一

查芬陸棼堯

一

卒仁和沈泉使延芳爲
刻其疎村遺案五卷

明湖雜詩

日落孤城耿曙光芙蓉橋畔色蒼蒼
漁人隔艇煙中語白藕花香露氣涼

登樓二首

秋色連豐沛河聲繞大梁高城過暮鼓疎木隱斜陽
百戰中原地千迴獨客腸登樓舒望眼山海路何長
朔風吹薄暮遠色起平蕪沿陂山樓迴蒼涼野景殊
洪河連地動秋蟬捕天孤萬里黃雲散飢鷹入夜呼

羅

棠字思召號潛石新城校貢生
官青田發商著潛百詩草

甘雨亭閒眺

雁背秋雲字字斜青山缺處補人家
重陽連得幾宵雨開遍

好銀荷夢花

重陽寫煙霞圖贈墨樵

題饒憶煞故園秋貌取煙霞濕翠浮竹杖芒屨堅後約他時
二老話風流

遙山鬱鬱翠成堆雲外胎仙何日回點易亭前秋正好遲君
也策瘦藤來

羅愛梧

字同鳴號謙山新城

陳焯曰謙山爲人古樸落落自高不喜作時藝亦不善書而獨情於逸別凡名人字畫無不留意晚與二三知己結爲詩社優游林泉以娛老云

冬夜

眠色簷前落青燈獨夜看愁多翻畏酒衣薄不禁寒片月窺
虛牖微風度急湍還聞南去雁嘹唳在雲端

題遠山山水

雲山嶺嶺勢如奔山下雞鳴何處村數樹濃陰森繞屋一灣
流水曲當門杖藜足遂田家樂高臥還知隱者尊寫山桃源
真世界知君胷次有乾坤

張

藻

字信昭號西雲嘉興人苦留雲詩鈔

袁鈞曰往往以筆墨鋪山陰得見留雲主人潞河金君嘯
竹喜為詩客則元和陶妙華錢塘龔興溪庫數人者稍暇
輒飲酒賦詩不自知其客也別去十餘年先生與嘯
竹先後赴修文矣頃于仁和縣齋與令子葭村握手道
故不禁感慨係之校村出示先生詩稿此當日在山陰
時與妙華溪庫所共嘆賞者也重來到眼恍隔世矣先
生詩高華沈著作處頗近有明七子

渡黃河

役役原非計饑驅可奈何中年悲白髮六月渡黃河
龍卧天長絕鳥過人貧軀命賤撫劍自高歌

中秋有感

金節慚孤館良宵引客愁故鄉共明月異地又中秋白髮頻
看鏡紅顏獨倚樓可憐今夜夢迢遞越江頭

吳光昭

字翼心號潛齋秀水廣貢生著抱光齋集

吳氏家傳器曰潛齋則學工詩文與同郡李敬堂集董曉治洵齊名

同春橋諸人晚遊洵青精舍分韻得嶺字

秋塘涼雨歇積翠秀孤嶺開襟爽氣來願言探幽境指筇拖
沙痕攀葛穿竹影仙人久蟬蛻高閣畱丹井一辨定慧香萬
緣於此屏放眼江湖寬日落涵萬頃濛濛平遠山林端收霽
景晚鐘蕭寺鳴佛火虛堂耿俄驚黑雲漫又作驟雨猛踉蹌
別已公歸快衣裳冷挑燈叙良遊吟苦忘漏永

陳孝治

字惟親號墨儂海鹽人著友于集

檀萃女于集序畧曰聖農初至滇時年甫二十餘會軍
興以勞勩占决佐傳公阿公於軍幕選機端策其應如
神以勞勩占决佐傳公阿公於軍幕選機端策其應如
以詩讀出從軍相與唱酬最難比其詩於二陸而予以
樊川樊南比之其詩多屬近體緣情之作參半其夫幕
府也別從征諸公云壯懷未了從軍志樽酒空餘話別
緣其傷舊感離之作如云精衛未能與恨海女媧無術
補情天此可以見墨儂矣墨儂爲相國文勤公諸孫
冬初將隨任蒙自畱別從征諸君子

崎嶇歷盡碧峯巔依舊青衫把客鞭眼底雄關高萬仞篋中
吟草約千篇壯懷未了從軍志樽酒空餘話別緣爲語諸君
須努力相思有夢到江邊

蘆笙吹徹陣雲邊客裏情懷獨惘然足跡久羈杉木嶺時大軍駐

杉木嶺歸期已負菊花天

今秋擬欲回飛鴻踏雪原無定羈馬

嘶風不肯前多謝友人親切意蠻城惜別重畱連

過貴州省城作

小春天氣日猶長陰雨初晴過貴陽一水通橋環遠堞萬峯
作障衛巖疆花裙處處逢苗女銅鼓家家祀竹王覽勝漫言
風景異好收詩料入奚囊

章

瑛字秋浦石門諸生

宋文藻曰秋浦能詩老於諸生乾隆乙卯今少宗伯阮
芸臺先生視學兩浙首以詩賦採風試士秋浦所作得
受知每欲以生平全稿錄呈其子來武林手一編懇陳
爾曹時命其子以詩稿錄呈其子來武林手一編懇陳
道至蓋秋浦之志事可泯而其
子能繼先人之志為可嘉也

橫塘道中

掉入橫塘路濃雲逗野遮雨催歸樹鳥風送出溪花遠寺禪
燈早孤村牧徑斜暮途寒惻惻濁酒倩誰賒

佛燈

菩提葉色散浮屠幻作傳燈覺暝途法海三更常見日上清

一室靜懸珠光分石鼎香多少影照花臺雨有無最是蒼涼
明滅處蒲團入定一僧孤

嚴光祿

字銘斯號石帆桐鄉
歲貢生著石帆詩鈔

秋影

渺渺濤無際蒼蒼微有痕江空天在水人靜月侵門雲雁沒
斜漢溪星明遠村一筇遙入望相對冷吟魂

晚渡錢塘

一棹渡錢塘中流倚小航日沈關樹黑天壓海雲黃山色來
於越濤陰入古杭西陵有官店燈火認微茫

新正重過長水有感亡友朱丈鞠野王文樵園時許晦

堂復客豫章

長水塘前水滿川一番重到一凄然那堪死別兼生別還向

新年感舊年夜雨青蔬人命酒秋江紅樹客歸船只今回首
空相憶零落梅花入暮煙

懷許晦堂閩中

風濤歷盡楚江濱又轉雲帆向八閩一別動成千里隔劇談
已失十年親長途老作諸侯客故友詩歸後死人高義真成
知己感傾囊遺憶旅中貧

無錫

夜別金閨柳朝移江上船花飛春塢雨草綠晉陵烟翠巘環
溪秀明流抱郭妍出門何計是且試惠山泉

聽竹堂訪沈芥舟

宗壽

近市僧廬靜半疇小徑通春生雁湖水香散菜花風有客帆
初下高樓座不空相思今幾載握手兩衰翁

聞曹種梅歸自江右

別路逾千里遊踪又一年舟移淞浦月衣帶廬樓煙白髮依人老秋鴻在客先歸裝定何似回首大江邊

朱鴻猷

字仲嘉號蕪圃同鄉諸生著陽帖吟

朱氏家傳略曰蕪圃弱冠補諸生年七歲父英祿事被逮赴蜀役蕪圃入蜀省親居一歲以母疾歸精星家學嘗謂所親曰吾年過四十二或有所就老父當得還恐不能待耳果以乾隆癸卯十月卒踰二年父赦歸

訪朱景濂先生讀書處

孝梅繞徑發幽香其識先生舊隱場弔古忽來明月夜尋幽恍入白雲鄉文章垂世名猶在臺榭經年跡已荒翹首臨風懷故里金華山色自蒼蒼

丹陽郭外訪先曾祖舊居

野色忽已廋征帆雜亂鴉眷言尋舊宅來此學浮家春燕背

人語野棠撲面花故鄉偏作客飄泊感天涯

懷家大人

起居欲問恨無緣迢遞關河路八千惟有夢魂無阻隔昨宵
隨月到西川

年來幾度淚沾裳獨掩窮廬暗自傷莫道兒思阿爺苦異鄉
思子更淒涼

元日懷家大人

望遠八千里思親十二年又逢新歲月猶隔舊山川
眷至天涯何日旋恐傷慈母意強笑慶堂前

登翠峯閣

細草緣坡路自平到來巾舄見雲生探巢鳥向窗中起撐板
僧齊樹杪行小院日長人事少疎簾風細佛香清湖橋此際

春遊侶林外遙聞粥鼓聲

寄呈家大人

蹉跎壯志意何成憂患離愁了一生訓學頻年叨孟母上書
終古愧緹縈心傷烏鳥悲號切目斷關山涕淚盈幸遇清時
差慰藉金雞有詔出神京

將赴蜀中畱別諸親友

不識天涯路初爲蜀道行稍酬防帖願莫慰倚閭情擬別憐
兄弟題詩感友生相思何處是風雨錦官城

正月二十日辭家長征

慈母縫我衣囑我早言歸弱妹牽我裾勸我畱斯須哀哀遠
遊子草草整行李長跪慈母前兒今行萬里兒生無弟昆兒
去闕晨昏子然惟一妹朝夕佐饔飧妹又將遠嫁安能長勝

下去矣。雙淚垂。慈烏啼子舍。

鸚鵡洲弔禰衡

到處曾無一刺投。却因弔古上荒洲。獨將遊子三聲淚。灑向
長江萬古流。天厄才人終見殺。春歸芳草尙含愁。此間鸚鵡
能傳語。千里家書肯寄不。

蜀棧行

我登雲棧行。不知雲棧高。回首巴陵洞庭路。衆山歷歷同兒
曹。虎豹喜人過。狐狸向人嗥。伊誰伴我勞者歌。四山惟有猿
與獠。日輪月輪避。惜嶢大劔小劔相。峩嶢馬前雲霧迷。道路
足下澗石翻波濤。捫參歷井起長嘆。此時性命輕鴻毛。其南
有天名大漏。蝸皇煉石補不牢。忽然注面雨淋漓。更兼八耳
風刁調。急竄穹谷衣半濕。慘慘徒御心悲慟。須臾風靜雨亦

止夕陽半嶺煙霾消行李得得不能止山程渺渺惜轉遙翹
首遠望白帝郭失手忽落青絲條馬蹄一蹶控不住翻身已
挂古木梢上有隱谷之山魈下有潛淵之老蛟行人急救始
得免驚魂飛去憑誰招吾身非黃鵠萬里來翔翺吾身非杜
宇血淚時悲號蜀道之難有如此此行直抵登青霄老父廿
年經患難嶮巇百倍兒所遭兒今方壯歌陟岵敢以行役心
煩勞

得家信知母患疾

一紙書來淚不乾慈闈思念減眠餐殊方作客憂疑并兩地
教兒去住難白帝城頭吹暮角黃陵廟口急驚濤人無兄弟
真貧獨東望家山感萬端

寄懷姚雪坡

雁度湘江畔書來漢水濱故園芳草綠愁對可憐春

竺沅鈐

字蔣硯號芳舟湘縣諸生著芳舟詩鈔

將應省試感興

山勢到窮盡豁然雲水清人事歷坎軻怙然徑路平笑予擁
書史未足抵百城發言破常談或可折老生理頭困三載延
頸思一鳴五上臨安道茫然迷雲程湖山得熟遊所隔惟蓬
瀛槐花忙未了孩兒又倒紉踴躍返舊廬羶羶解宿醒抑掄
小江里詎易口舌爭自顧無長技又苦貧病并因念同學輩
翩翩游燕京溫飽非吾願顯揚亦人情毛義捧檄喜豈必公
與卿時哉弗再失堂上白髮生

周

字大中號石田農慈谿諸生著石農粵遊詩文四卷

碧溪詩話周石農爲青峒先生次子青峒詩以七古勝而石農詩以五古勝父子皆卓然成家石農與呂石湖

交厚石帆官粵中石農往依
故生平所作詩文粵游爲多

上贛江遇水暴漲舟人牽挽甚勞詩以慰之

崇山翼兩涯中匯萬壑流其勢已蕩潏况當霖雨收我舟爭
逆勢欲進苦逗遛舟人牽修纆攀崖走猿猱上穿谿窺雲下
縋黯黯湫忽落恐已墜旋出驚復畱稍覺筋力疲猶幸身手
優專心與水爭肯使水勝舟勞苦迫日暮哀歌當棹謳惻然
感我心慰喻使勿踰茲役雖汝勞茲勞還汝休未若世途險
一步懷百憂所爭起微細得失無兩謀羣爭未必得獨得翻
爲讐今汝與水爭水於汝何尤矧在平陂理逆固順所由汝
行當返棹汝舟自夷猶懷哉行路難邈焉江湖愁努力追前
途夷險兩悠悠

琇江同呂石帆黎二樵聞人鑑浦錢別王月浦

江流恨遠去去幾時還送別客中客離愁山外山詩文交
獨厚衣食命同慳行矣須珍重天涯鬢易斑

金振豫

字飲和山陰人
著蒿萊詩稿

讀蘇文忠公海外集紀後

六十餘生兩鬢絲海天春夢正醒時雙懸父子愁中命一念
君民前後詩餽米憑誰憐趙鼎讀騷已極痛湘纍可憐筆底
孤臣淚不爲南遷九死辭

連接及門士金桓白自卹縣來柬

栖栖薄宦十年餘萬里飄零絕素書秦棧天高通一雁蜀江
雪盡下雙魚芳檣殘醉卽筒酒故國空倚杜宇居折柳橋邊
春又去知君尙雨曳長裾

唐夢鵬

字續受號石籊山陰
諸生著一枝草堂集

積雨

積雨天宇低浙歷不知倦紆逕有湧泉喧階無靜院濕苔老
華滋亂草沒葱蒨芄芃麥隴頭刈獲未及半幾費襤褸勤嗟
哉任漫漶何當起媼皇鍊石補霄漢點滴儲銀瓶義車亦輪
見餘粒什一收猶得嘗新麪

六陵冬青篇

有序

元僧揚璉真伽發米諸陵寢欲雜牛馬枯駭爲鎮南
浮屠先十五世祖玉潛公諱珏獨痛憤乃鉅家具行
貸得百金爲伙食召諸少年涕泣諭以大義夜往取
遺骸以他骨易之葬萬亭山後又移宋故宮冬青樹
植其上以識或曰此林景熙所爲又或以爲林收高
孝唐收光寧璉度持論紛紜信疑參半然案宋史有

唐無林已昭實錄當時謝翱作冬青樹引別公謂知
君種年星在尾睇髮集載之詳矣明徐天池先生辨
義錄引此爲據反覆辨難且云唐以義士使其俯首
就木讓美不言似無不可而景熙何人又肯冒虛名
襲人之功行如有知也固其赧赧然欲起黃泉而立
與人語者嗚呼此真快論也哉夫節義之士掩抑失
貞旁觀猶痛悼之况其後乎鵬不敏不能闡揚先德
敬作詩歌以見名實之必相循爾

冬青樹長青青雪壓霜欺不改形對此憶我先義士萬年挺
特出菁英當時趙氏一塊肉海濤汨沒太妃哭辱殊二帝遠
蒙塵慘觀六陵遍遭毒浮屠肆虐神鬼驚金魚玉枕皆羶腥
斬衣恨無豫讓刀中副誰擅張良名義士聞之心膽裂涕淚

縱橫背流血貸金不惜家貲傾刻石圖將骸骨竊里中少年
各迴迤酒酣義士蹶然起公等聽一言大事今去矣龍蛻飽
風霜臣生弗若死同是宋遺民摧殘忍見此事成衆共之事
敗自當耳忠憤感羣情合詞曰唯唯夜深月黑努力奔天地
愁慘星辰昏牛馬路中龍氣發冷光直射殯宮門飲泣收將
哭不得土杯渴葬蘭亭側故宮有樹號冬青認取石函隱移
植賤子讀史心慨慷祖功竊幸輝縑緇精忠爽奕纔革代好
事謬傳林德賜德賜自是賢豪侶繼主丹衷木激楚有志未
逮傳失真誠哉越人不好古是唐非林曷足疑青藤山人曾
辨之厥後猶聞袁俊拜當時更有謝翱詩知君種半星在尾
眸髮集非稗史比高士遺民併一人孟兼子常何爾是我作
冬青歌奚補義士傳先祖垂典型述德切依戀詩成風雨來

歸走飛電

夜遊湖上閒步至龍隱寺飛來峯石洞

艇迴寒水外身入暮雲間湖氣黯涼月寺陰連遠山石深天一線林雜路千彎徑醉前村酒柴扉夜未關

斗室

斗室壺公趣忘機自在天鶯歸隔林語蜂飽抱花眠物各安其所吾何獨不然怪來三十載捷足讓人先

大梁

中州南北東西拱獨客江淮河濟來鄉路書同鴻響遠寒窪水爲馬蹄開夷門衰草英雄宅梁苑蒼煙賓客臺忽發千年知遇感壯心蓬勃未全灰

王克寧

字佩莘號芸坪山陰茂貢生著雲坪山房詩鈔

越風芸邱懷古諸律羅織史事
化腐爲神則健婀娜兩臻其妙

射虎行

伏龍山前偃夜語伏龍山下婦哭苦行人望見伏龍山風吹
草搖草亦虎山中居民慣射生弓刀劍戟成一營北平太守
爾何事朝下官符夜選兵官軍身手一何銳自言捕虎虎立
斃往來市口索酒嘗白晝向人作虎勢磨刀燿燿夜欲闌平
明結隊共入山長林雲黯日無色猛虎突出盟草間挽強射
虎虎先逸一箭正中草頭石落花滿地風過耳瞪目空山看
行跡此時山南大合圍虎行乃有虎機隨一隊居民齊搜虎
斑毛載得盈車歸明朝官帖下鄉里官軍自言虎射死上官
奪虎歸官軍里長縛民入城市回頭笑殺山中人此虎豈是
封使君不然虎死何足惜胡乃爲虎暫居民

錢塘浴馬行

羅刹江頭波沄沄奚官洗馬來如雲江冷魚龍眠不穩珠宮
遠避錢唐君一馬前行如領隊衆馬趨之繞其背五花連錢
浮滿江波動雲移光破碎此時潮落秋正中城南蘆管吹秋
風鯨魚縮首不敢動老蛟突起騰長空別有將軍紅叱撥赤
汗朱鬣猶如沫瞥然飛去銀濤間一道彤霞照泉竄廐奴拍
額抹絳紗手提首藟撒白沙連羣接尾上塘去幾見騏驎出
渥洼監牧收駒空復爾時平老驥無功死刷罷橫江奮一鳴
歸來伏櫪思千里客子目亂五色迷停橈驚看羣馬馳九方
歎死無人賞獨立蒼茫日暮時

梁簡文帝墨蹟歌

梁家父子皆好書亦如晉人有羲獻簡文筆法尤道媚波點

纖濃各峭荷天章睿藻不可聞景星卿雲時一現一自吹屑
沸建康法書零落人間徧青絲白馬壽陽來朝市桑田一朝
變五經已罷元圃講盤鼓掀翻太極殿手中有筆不殺賊足
知亂世文字賤淒絕宮中版障書墨花淚花融作片有梁正
士蘭陵蕭風雨雞鳴兩繾綣賊臣破壁焚其柎餘瀋當時罕
得見南史帝自幽繫後賊徹內外侍衛無復有紙乃書壁及
始若一風雨如晦雞鳴不已弗欺暗室冥况三光數至於此
命也如何又為文數百篇崩後王偉惡其辭切即使刮去
此書乃自青宮時把筆從容腕力健何人什襲藏至今使我
展卷驚絕艷請君勿作藝事看中有無窮七國恨

不寐

獨夜無久夢新秋增遠心涼風在高樹明月低層陰鄉國一
為別雲山萬疊深披衣坐待曉愁聽階蟲吟

汝南懷古

李杜聲名少等倫
汝南高義自嶙峋
功曹不忍欺賢母
閤寺
專能殺黨人
終古冤魂悲碧血
一朝寬政爲黃巾
曹王氣燄
今誰在日暮停車酒淚頻

醉翁去後復尋蘇
故事門生配老夫
千古詞壇高北宋
一時

文采煥西湖
華堂客散春俱寂
畫舫人歸水亦枯
蘇州西湖
蘇二公
游詠之處
今已凋
惟有亭前雙柳樹
綠陰依舊滿平蕪
地有雙柳亭
亦歐蘇遺蹟

沛縣

荒荒孤戍憶重華
擾擾征車趁暮霞
古社粉榆新燕子
遠村
雞犬舊人家
怪雲倏起疑蹲虎
夜雨時聞哭斷蛇
猛士不來
春寂寂大風終日獵平沙

何經鶚

字月峯山陰人嘉延
孫著琴厠書屋詩草

懷丁五午橋

別思搖搖似繫旌夜深獨坐數歸程江頭寒雨連潮急天際孤舟逐雁征幾歲琴樽同旅况他時鷗鷺結前盟最憐離緒逢殘歲應有新詩憶鳳城

沈天漁

字菊莊
山陰人

沈寧齋詩話同里沈菊莊工於詩至老不遇後人式微遺稿散佚篋中存詩乃其少時見賞于蔡公天顏者也

韓淮陰釣竿歌

人謂釣竿三尺細我謂淮陰生死繫淮陰當時未虎嘯落寬王孫只垂釣魚不易求誅羽易且擲釣竿干沛季長劍在手印佩肘膾等何人敢匹偶千金之重酬漂母一竿之微還憶否吁嗟乎漢主嗜殺功高臣不聞妄殺釣魚人

許

鏞

字聲山號蘭
谷山陰人

不寐

斗帳孤眠穩其如不寐何荒廚驚鼠入銅板聽僧過燈暗風吹竹窗虛月上蘿黑甜差可樂那便到南柯

喜黃輿懷歸里

記曾一曲唱臨岐衰草斜陽繫夢思千里孤鴻蒲坂遠十年雙鯉越江遲迢迢歸棹情堪慰落拓離鄉事可知舊雨半零春社散悼王丈翁山及萬木齋空教腸斷子荆詩

秋亭雜咏

碧雲初霽遠山晴夕照虛窗一片明湘簾藤牀清夢裏涼蟬未老作秋聲

王承性

字利存山陰人

越風利存與劉山人相亭爲中表戚早慧工詩文未冠而卒山人示余遺稿川誌王樹亭凋之感

不寐

愁人伴照鼠靜夜對孤枕明月欺薄帷微光照清影空庭寂
如水霜枯葉將盡窗聲何處樓風送梅花引

擬趙倚樓秋望

籬菊香濃一逕深疎簾捲處暗雲侵曉砧初搗月沈水寒漸
漸稀霜滿林萬里長嘶江驛馬數行驚散露巢禽此身瘦落
關山遠獨立西風感不禁

何

耕

字采臣山陰監生嘉
延會孫著以亭詩草

何蕙跋以亭詩草曰先兄以亭生而孱弱年四十七而
終幕遊豫尚好吟咏所作不下千餘首以賈董二樹先
生爲所擊賞是編
半係二樹所定者

庚子秋日得童丈二樹手書賦此寄答

短褐甘貧賤窮年樂嘯歌字搜三代上書聚五車多愛客頻

浮蟻臨池不換鷺從來奇傑士淪落半巖阿

辛亥病中寄仲弟

人生感別離况復同毛裏憶爾棄我去彈指十年矣廣文雖
冷官厥職重課士教養政兼施有司資協理聞爾既廉隅躬
行慎視履盤殮未厭貧苜蓿等甘旨儒素本家風芳徽緬前
軌所守窮益堅達者固如是顧余形早衰沈疴入骨髓歲月
復幾何風光嗟轉晷漠漠嵩山雲迢迢浙江水中隔楚與吳
相去三千里爾來既不能予病且不起見面知何時誠恐且
暮死伏枕成哀吟緘書託雙鯉欲慰泉下魂但視垂髫子

宗聖堂

字仲升號蒲船會稽諸
生著九曲山房詩鈔

登駝峯山觀海

羣山挺秀竚於越翠螺雲髻排重重駝峯拔地勢獨峻千仞

壁立青芙蓉披襟一笑振雙翼置身恍惚煙霄中鶴翔鸛舞
紛列影霞飛雨逗無畱踪綠崖險削沙作岸秋颺捲盡霜根
蓬千帆百柁走番舶疾如羽鏃離強弓煙銷日上天宇淨海
門一氣分青紅奔潮直度蜉蝣島幻屢忽現馮夷宮茫茫大
地極無外鳥飛不到雲濛濛方今帶礪永清晏百川分道咸
朝宗濤平練靜萬萬里能使絕域舟航通天根月窟計躋度
十洲三島羅心胸靈山鼉負嶽上下北溟鯁化隨西東珊瑚
作竿試垂釣蓮花露錫時摩空啁啾局蹙安足事行將破浪
乘長風

老鶴行

錦水芳園花木好蒼苔古石松雲繞中有老鶴慣養雛雛羽
已豐鶴漸老循階飲啄小步馴此生誤墮人間塵百歲枯藤

僂瘦骨一天蕭露寒長身危巢滲漏雨斜入元裳半漬春泥
濕車輪翅重飛未高轉向花陰作人立當時遊歷瓊瑤則素
影凌霄駕凡羽朱絃橫几星欲稀玉笛當樓月初半竹間有
露莎有洲夏然清夜風颼颼招雲鬪雪舞不休消磨日月經
春秋老境離離歲華促徒與鸛雀爭啁啾主人傾盡餘年俸
桑榆搖落殘陽送青川歸路已無糧赤壁停舟空有夢攜雛
宛轉鳥聲哀塲圃頻步登蓬萊金丹換骨世安有雛兮未必
真仙胎

東懷古雲石篷墨堂漁汀諸子

月夜星躔逐候新溪山無限著閒身羣鷗戲海仍招客老柳
當門慣送迎一隊冠纓分宛洛十年書劍足風塵爐頭尙有
黃公約醉插簾花滿角巾

杭必成

號銀齋會稽人
著銀齋詩稿

過昭陵灘贈舟子

五日大風十日雨瀟湘浩浩滿雲水煙底模糊一葉浮千篙
萬櫓愁不起河伯震怒洪濤立客心猶欲舟行疾膽橫目豎
頭追呼髮蜩氣虹舌如結吁嗟舟子何其艱被笮敗絮不禦
寒手胼足胼形枯悴脫粟不敢多加餐胡不歸去賣舟買黃
犢和風和雨耕煙綠

老將

束髮從戎老未歸曾專上將破重圍秋屯朔漠雲連障夜渡
層冰風裂旗疎勒貢通資廟略機槍箭落仗天威誰傳飛詔
徵都護未出關門賜錦衣

夏日憶南湖

南湖一曲塞斜川抵種江鄉二頃田草際鳴眠莎葉細鏡中
魚躍浪花圓牽風菱蔓胭脂縷貼水荷翻翡翠錢記得雨餘
放酒去著裝自上趕船

陶士英

字克華號白雲會稽人著白雲詩鈔

蔡英曰白雲天姿朗潤幼即工詩弱冠卽遍交名士出遊公卿間一時有小青蓮之目梁文定公觀察粵東聘爲上客嗣是數歷中外數十年與其晨夕及卒文定爲之含殮送柩歸里生平所作詩古文詞幾千等身文定角之營葬而題其碑曰詩人陶白雲先生之墓

題王又界廬山觀瀑圖

匡廬瀑布稱絕奇片帆曾拂山雲欹晴空霹靂坐無寐以耳
代目神過之江湖面面浸山足沁入山巔湧山腹可異雙關
呼吸通華池神水肥生玉此想今經四載餘山懸謝客徒區
區美君茗飲日危坐至今石上畱雙趺長安塵土沒牛背一

見此圖一長習于朝于市我豈能爐煎破井真無謂彼中幸
有賢主人圖中曲折行可尋揣衡捫盤終失真他年尙擬題
長句滌筆吟君曾坐處

平山渡口

盡日行山不覺山小橋頻渡小溪灣如何回望來時路却在
千巖萬壑間

趙

蘭

字芳谷諸暨人
著十明詩草

越中春望

梅福仙何處春光去不停雨餘湖鏡綠風際石帆青靜閣和
銅漏高臺響鐵鈴明朝修禊事裝屐集蘭亭

送客

座對青山遠殷勤送客舟一行寒雁過千里故人愁別恨餘

衰草離顏淡素秋知君相憶處涼夜月明樓

謝

洲

字文若號散木餘姚人僑寓湖州著載月軒漁草

姚江詩存文若先生僑居澤溪託業買遷多與名流往還董鑑平嘗贈詩云子胸塊真難瀉鍛鍊詩句彌精工才高不肯受束縛矯若老鵬盤空有時吟思入杳冥孤泉夜注鳴野踪讀詩防佛識子面清癯崔立無塵容觀此詩可以約畧其生平矣

湖上春晴

千峯如畫屏一鏡碧湖平薄霧不成雨夕陽開晚晴有亭堪獨立無伴可同行嘯咏歸來晚林塘片月明

王曜然

字五溪上虞人著東游偶存草

春行

春風吹客袂郊外見春晴鳥決青雲上人依綠樹行遠村挑菜女近巷賣花聲已覺逢寒食知誰不繫情

歸家感作

流水浮雲暫息機平生澹泊掩荆扉寒厨索米成炊晚小圃
芟蔬入饌肥避債不煩當國課賣文無補及征衣衙齋時美
家山好笑我還家未是歸

商

漢字振之燠人
著渭川存稿

終門述懷

華髮如霜漸欲生依然豪氣尙縱橫沅湘香草迢迢碧韋杜
花枝故故明千里登臺陳伯玉六街亡命趙弼卿舊廬雖在
南山下五畝荒蕪不可耕

秋柳

冰簾銀牀小院清夢殘酒醒不聞鶯西風中道同搖落南陌
斜陽自送迎玉手贈來成往事金城歸去尙多情寒林極目

傷憔悴讓與丹楓照晚晴

楊世植

字思堂號彩煙新昌副貢生著彩煙山人詩鈔

蔡英曰彩煙肆力詞華披吟不輟詩學醇正五古極索昌黎七古宗杜陵所作惟二體獨多僻處遐邑文譽不彰偃蹇沒世殊堪浩歎

文王尊弊歌爲吳倫叙作

白魚跳波烏火明伐殷歸來天洗兵寶龜食洛定九鼎元公
夾輔官禮咸明堂配天以義起重簷馭掌於穆清桃蠹辛螫
既剗絕僞父就國公爾京酬庸得用王者禮祭所自出文王
烝爰作廟器頌功德雞彝龍勺羅豆登一尊巋然今尙在上
射牛斗搖玉衡當時悖宗禮咸秋烈文錫社鈴鸞鳴一占拒
囑告嘉栗黃流中注神依憑年移陵谷風物改鐘簴剝落傷
雕零自嬴秦來汨汨宋埋沒黃土人無稱嘉祐之際始披豁

至寶乃復躋瓠棧圖傳博古錄兩協鈎畫尙辨商時銘史籀
石鼓不足數李斯小篆徒省增旁耳鵠峙跛斯翼四足蹇跼
紛挂撐雲雷糾縵半隱現丹崖碧嶂煙嵐蒸燿如朝霞出海
曙皎如衆綠羅春榮模糊斑駁令人估十五價失秦王城犀
珠象玳豈不貴對此便爾鴻毛輕吳寧有客博雅士寢食於
古捐凡情圖書遺器充棟宇河嶽光氣牢緘騰盟手啓齋出
相示古光眩我雙瞳睛青霜紫電照几席一再彈指聲琤琤
昌黎東坡久不作誰歟歌此文岬嶸鋪張揚厲大手筆以俟
君子吾焉能裁綠遼巡發想德穆然踰濟蒼姬延

送溫少府還里

拂衣新就遂初篇釀酒先還種秫田豈爲仇香嫌枳棘也知
梅福本神仙溪山無計留雙屐父老猶思獻百錢明日重臨

瓜蔓水布帆已渡鏡湖天

金庭觀懷古

金庭仙子宅一罇入壺天木落水清淺雲歸山斷連右軍餘
勝跡定武失真傳褰屐依然在猶思禊飲年

己酉孟冬偕韓樵谷吳韻玉淨業張山人

淨業先生迴絕塵名山恰好著斯人樽前時有陳驚座谷口
寧無鄭子真展帖曉窗臨癸丑焚香夜榻守庚申梅邊索笑
還相憶曾聽樓鐘悟夙因

顧青選

字葉南號琴巖蕭山歲貢生

王宗炎琴巖小稿序畧曰乾隆甲辰琴巖顧先生歿於
鎮海學博官署越十有二年始搜輯遺稿得古今體詩
若干首編爲小集先生與先君子同筆硯於宗炎爲父
之執友長身戎削性孤潔篳燈讀書達丙夜刻意向先
未嘗自表暴辛丑壬寅之間邑人士以文譙相於向先
生最爲老師正襟碎客莫窺其喜愠每當酒闌燭地談

藝林事諸曠雜作糾紛錯先生問發一二語詞旨俊
遠聞者解頤所居遠修竹東鄰史氏園古藤花盛開宗
炎過先生輒作竟日談城西湘湖之濱山澗幽削雪霽
木合絕頂與踞石坐其旁寒氣徹毛骨或走二十里登越
王城絕頂北風蓬蓬吹衣欲墜日西匿始下山去露冒
雨戴笠重九從門醫購殘雜書十數冊手挾之復赤足
登高作西興天色暝黑雨益甚行且笑旁人莫測也先
生之詩凡三變早歲受業山陰周虎先生之門意氣
縱橫跌宕豪放其後讀書杭州陰敷文書院事天台齊
國徐姚桑叟甫兩先生與西洽諸名士酣唱往來賦藻
麗詞綴紛用溢客游京師益交天下賢俊彈見洽聞知
類通遠彬乎謝華啓秀瑤還里以後交游簡寂抒
懷澄曠遙情遙寄孤澹冲約所得溪而所造遠矣

松岡對月吟寄友人

碧天晶晶冰壺徹碧雲澹澹纖塵減小窗獨坐清且幽拂面
松風吹不絕仰見石磴三百層半是堆霜半堆雪一年一十
二度圓今當第二輪猶缺置身天末懷故人渭北江東向誰
說此心千里百里同幸勿匆匆惜離別

山亭雨霽

午後新晴景十分胸襟亦爲洗塵氛
鳥藏竹暝啼紅雨人坐茅齋看白雲
對岸孤山含遠翠開門芳草帶斜曛
朗吟不覺月初上花外鐘聲隱隱聞

趙

青字來雨山陰監生苦賦山間鈔

曉渡錢塘

江濶天疑曙衫寒酒乍醒
雨餘山氣白潮落海門青
孤艇隨殘月中流辨列星
長歌聊擊楫還擬到滄溟

漫感

望門投刺笑人癡醉後高歌招隱詞
十載守雌惟效舌五官無用莫如眉
歸來南畝衣原素搔向西風鬢未絲
我已此心忘得失置身木雁總隨時

吼山同劉蘭輝作

望中面面盡圖開勝境留人未忍回山駕石梁雲倒出澗當
松頂水橫來遊魚隱藻吹蟠影馴鵲銜花下釣臺間徑通幽
空翠襲頻移坐席醉香醅

咏並蒂荷花

雙臉分香麗色浮昭陽殿裏想同游新妝並倚休相妬
飄零一樣秋

凌雲

字鳳起烏程人著蘇州詩鈔

冬日野望

薄暮蒼涼野色昏四圍寒練繞孤村煙橫古道入迷影水澗
平橋石露痕松徑因風時落子稻田經雨復抽孫要看一帶
疎林色茅屋參差靜掩門

陳

芳

字龍谷歸安人潮郡諸生著舊谷未定稿

信宿雲林寺歷韜光飛來諸勝

陰寒山骨青起伏非一狀攀躋陟其巔江流入遙望英英白
雲內萬事付惆悵俯視尤危奇水出松果上向來所歷境候
已墮烟嶂虛岩殷齒聲微雨帽簷屣歸路不逢人幽篁隔樵
唱

埭溪歸舟

二月春陰冷冥冥晴去程驚魚衝籬立亂石過船鳴雨重千
峯黑雲開一店晴舟人笑相語新水櫓枝輕

楊

潮

字伯龍號林歸安諸生著來青閣詩集

文丞相祠

丞相祠堂下千秋激壯肝兵戈雙白鬢天地一黃冠節爲圖

存苦忠非處世難庭柯含正氣晚翠照人寒

一日有公在即為南宋年已沈疇衛海翁補女媧天家國懸

雙淚存亡繫一船至今燕市月碧血濺啼鵲

重陽感興

白雲搖落雁初飛萬景澄觀自怠機佳節不無悲馬齒丈夫

那便泣牛衣出門作意為青眼當戶多情有翠微問訊小山

叢桂晚招人秋色故依依

沈

鐫

字韻齋歸安人著夢莊詩草

秋日過洛露禪房次壁間榜屋韻即贈橫嵐

世味君識淡交情我獨堅看花曾結社禁酒欲逃禪壁間佛

前火竈飛松秒燭復涼臥坐久欵欵話因緣

章

鐫

字北窗歸安人著春草堂詩草

和荃汀同人重九前一日晚登峴山

峴首暮雲封探秋路幾重湖平面萬象木落響羣峯極浦斜
陽雁空山寒夜鐘登高明日是風雨亦相從

一徐

溥字雨亭歸安人
著臥雪軒集

見山樓

山色隱危樓飄然策杖遊忽驚行木杪不信到峯頭澗水當
窗落春雲帶雨流獨憑高處立應不羨浮邱

夏仲簡齋先生招同武林曹荔帷盧敬齋家雁汀以雨
後集小倉山房分韻得小字

山色雨後佳人情故鄉好有客渡江來相逢苦不早移尊過
隨園恍入蓬萊島閑門長薜蘿滑逕踏新草主人午睡起堦
前花未掃魚跳水氣涼風濺雲片小振衣倉山巔孤亭出林

表喜來不速客相邀酌情醪樽前集羣賢誰云良會少飲酒
須盡醉各各玉山倒徘徊日初落斜陽送歸鳥

月夜懷談枝春

雨過新月生夜靜百蟲響河漢淡不流高齋氣蕭爽憶君別
我時及此秋月朗水落秦淮平送君鋤輕槳君歸已五年寂
寞成孤賞見月不見君顧影自成兩南望五湖雲迢迢結遐
想

清溪訪張山農寄懷沈宣平

瀟瀟風雨半湖菱百里兼程訪季鷹邑小傍村成墅市林疎
隔水露漁燈清樽話舊尋前約傑閣吟秋到上層太息纖簾
人不見吳荒山骨獨嶮嶒

春山晚眺

西風落日倚層臺江上浮雲黯不開歸鳥遠從烟樹沒怒濤
高捲雪山來謫仙塚在無難黍詞客庭荒遍草萊萬古憐才
同一嘅登臨莫負掌中杯

宿隨園

江上羣山半草堂詩情合在輞川莊偶眠小閣聽春雨一夜
杏花紅過牆

徐以泰

字陶尊號樸楚德清人官陽曲知縣著綠衫野屋集四卷

欽定

四庫全書別集存目載徐以泰綠衫野屋集四卷稱其詩皆早年之作故骨格未就而時有倚何如詠鷹翎

扇附人終在手斷斷尚生風一聯亦頗工點染也

菱湖歸舟

青絲短長柳拂堤白袷冷暖人在溪魚標酒望指邨竹半路
一聲聞午雞萍開忽合山影縐雨落乍收帆脚低郭門近遠

兩浙輶軒錄

卷三十六

徐以泰

入返照鷺子欲來桃花齊

湖上見柳花

滿店香生滿棧愁十三亭子十三樓重來繫馬春如此那得
青衫不白頭

孫祥鳳

字舉九號巢阿歸安人乾隆壬午順
天舉人官汶上知縣有春雨廬集

感我離先生以詩見懷賦答

蕭條匹馬走沙場異地逢人總斷腸快覩君顏來絕塞驚聞
吳語是他鄉鴈飛晴繞千山日馬色秋開萬里霜
聖主頻年徵故劍玉關外見東歸裝

張家口外小飲同李達章

山勢鎖周遭連山雉堞半一杯當古戍斜日滿征袍沙旋驚
風直天垂覺地高憑誰尋馬市廢址沒寒蒿

周光裕字照昆一字竹厓鄆

生業乾隆乙酉選貢補景山教習母諸弟稱長乃治經

四庫館議叙試令直隸歷權制邑所至有聲蠡邑有誣婦

謀死夫者經數令不決光裕白之而坐告者罪則堤水

溢光裕捐貲督治堤成田無水患求鹿保正之獎積為

民害不得復請至即下令此後每啗有保正經斥革者此

即不得復請至即下令此後每啗有保正經斥革者此

半代者踵行之其獎遂絕因白上革除催令七月已去大

子賑者再矣河凍米未至前令給錢代米所給不如米

直米至先裕即案戶散之自上官願捐廉代償前令所

給錢上官賢之亦不令光裕獨償也光裕有治

獄才能委曲得情真授安肅知縣尋調棗強

武林畱別

才喜探梅勝事同離亭分手又匆匆酒樽酩酊三更後詩興

消磨一病中客思每驚孤店月歸心應逐片帆風江干惜別

情何限帶得斜陽過浙東

興濟晚舟同屠法田邱東河姚華峯限韻口號

兩浙輶軒錄卷三十六

孫麟鳳 周光裕 三

暮色蒼蒼散碧林一江烟景助清吟
帆迴斜影風初轉舟遠橫塘水漸深
古戍夜荒多人夢綠楊秋老樹成陰
題襟各有天涯恨離合都堪話素心

周世文

字安國號夢草鄧人乾隆庚辰舉人

袁鈞曰周世文與弟世武並有文名

過徐雪窗齋

東鄰徐孺子居對鄧峯青事母冬留筭
看見秋蟻蟻名從奇字識吟向此石聽
斗酒差堪載頸來問草亭

元旦後坐雨同大弟讀書樓中

細雨霏微雜曉烟小樓呼伴理陳編
春同芳草呈新綠香到梅花是隔年
樂事無如昆弟好壯懷多覺歲時遷
相看尙有同心在努力康莊快著鞭

史節粹

字潛夫一字伏昭鄆人著澄心堂遺稿

袁鈞曰史節粹事親以孝聞母病請於神願減已年益親已而疾愈

雨夜

散帙閒中理燈殘漏已深涼風吹古樹夜雨斷疎砧悶劇憑誰訴詩成好獨吟秋蛩鳴四壁應識此時心

郭彥忠

字正夫鄆縣歲貢生著肅存堂詩草

問燕

平分節序豈相忘燕子無端旅食忙春半來時秋半去問君何處是他鄉

李

均字平子一字半農鄆縣諸生著焚餘草

上巳日卽事

鶯啼草長是良辰稷飲同遊酒再巡三月閑愁生白髮頻年

多病過青春風晴山郭尋花路柳暗溪橋渡水人腸斷向來
遊冶地當前彈指已前塵

唐廷楷

字兼三號琴巖山陰監生著鏡香樓集

蔡英曰琴巖以善畫蘆雁得名吟咏之餘鼓琴皮曲所
居祖殿堯書第家雖中落猶飾琴樓雨間下臨城堞嘯
咏自適

西陵夜航曲

西陵月出聞打鼓欸乃一聲離岸檣村北村南起暮烟隱隱
漁燈隔前浦白篷交枕船鑽風名棹歌估語迷西東雞聲嘈
雜人聲樂曉日瞳瞳上城角

水竹樓雅集

高樓蕭爽望晴川平楚蒼蒼起暮烟數點白鷺青葦岸半村
紅樹夕陽天面山恰好當窗外種竹多教近水邊自覺登臨

差有致聯吟共醉菊花前

李壽朋

原名湘字淑尊山陰諸生著燦花樓詩草

秋晚寄內

年年顚顚困青嶂良晤于今願屢違
滿院秋花人獨臥半江寒雨夢初歸
香閨應費金錢卜樂府空歌破鏡飛
欲寄雙魚慰離思楚天木落雁行稀

朱景超

字燕封號虎亭山陰監生

食菽詞

東家西家倉少粟大戶小戶豈食菽
糴粟一斗菽一斛食菽猶勝粟作粥
老婦含悲幼子哭健兒吞聲力不續
篋衣典盡更糴屋城中官府癰大蠹
自奉不可食無肉新斂富民平糴足

陸

溶

字春波號佳水山陰諸生著春波吟草

蔡英曰佳水自稱碧桃花史吟草兩刻皆其自序淋漓慷慨不可一世詩學別南而出入于眉山山谷

下曾稽山作

懸崖下白雲峭壁瀉瀑布境幽人跡希時時竄狐兔窈窕披古藤犖确艱余步白日忽已斜歸鴉集無數霜葉紅於花葉落半藏路我歸下山來僧歸上山去

陸生歌

陸生賦詩取適意不用才名播人世陸生飲酒怪誼譁淺酌低斟量倍加陸生天賦看花興平生惟以花爲命十日五日坐青氍毹味蕭條真可憐興來欲往不知處出門攜得杖頭錢春波橋畔花的的壚頭有酒春波色花間酌酒更監詩詩成題上新泥壁此時此樂不可忘風流結習如古狂却怪鮮

衣乘怒馬無端雜選少年場

丁丑上巳卽事

明媚湖山屈禊辰
蘭橈閒泛碧波春
不須更向壩頭飲
花底香風解醉人

王

潛字詰人號半村山陰歲貢生著紅鷺館集

越風紅鷺館中人詩有淵源不隳小斜川之目

雨夜聽內子談江南村居之樂彙括其意得詩一首

銅壺滴漏聲參差畫檐夜雨鳴流淅
聽君細說江南樂爲君演作江南詞
江南舊有栽花里君家門對長江水
繫纜曾過漂母祠卸帆更入梁鴻市
鴨頭新漲綠生烟記值清和四月天
微雨朝朝驅犢出柔風處處放鷺還
麥秋已過黃桺熟水郭山村看不足
竭來塵土流朱顏別恨時時惱鳴鳩
劇憐風

景我曾諸中酒心情倚半酣今日重翻思舊曲一燈如夢憶江南

舟夜

客行忘晝夜慷慨獨揚舲霜月堆愁白江峯入夢青雁聲低遠浦人語亂前汀欹枕難成寐天寒酒易醒

北廂訪何亦柳不值

僦居傍精舍竹柏腦蕭森掃榻白雲滿閉門黃葉深夕陽下簾影隔院送鐘音何處閒乘興烟波愁暮心

寄懷章維則先生

京夜深沈掩薄帷嚴城寒漏滴參差作詩每苦俗人愛見事始知今日遲萬里江湖悲落魄一燈風雨恨前期無由重撥金闕棹酒冷香殘惱夢思

客幕不寄故園諸同學

西風搖落雁孤征
柳李城邊一再行
客裏空添愁鬢色
夢回猶繞踏歌聲
詩書豈合蒿蓬老
貧賤翻教骨肉輕
欲向燕臺覓知己
黃金寂寞負平生

初冬閒步

十月山中氣候賒
緩攜拄杖出柴門
澄潭瘦見蛟龍影
斷樹燒畱霹靂痕
禾稼登場喧鼓笛
樵蘇滿徑亂雞豚
隔籬野叟過從數
一笑同傾老瓦盆

晚坐

細雨黃昏慣坐愁
殘春風景似殘秋
爲憐燕子歸來晚
纔下湘簾又上鉤

李則仁

字惺學山陰諸生

遊茅庵

一龕苔蘚佛頭蒙露濕松杉泣曉風獨有山花憐客至堦前
仍放舊時紅

吳尊尹

字覺先山陰諸生著覺庵詩鈔

越風吳氏一庭風雅覺庵與其弟樛村漁汀越中稱三吳者是也詩質清麗七言蘇句尤工直到古人不着力

處

金山寺

獨上金山寺危欄控太清江聲歸海斷塔勢入雲平遠岸連
瓜步晴嵐接甌城更聞鐘磬響趺坐悟無生

白石版路抵百步村

眾壑連山勢若奔輕輿薄幔度松根一聲清磬雲中寺幾樹
殘花雨後村是處神仙成嘯侶有人冰雪鍊吟魂平生長抱

探幽興飛瀑明霞仔細論

沈大成

字集元號瘦客嘉善縣

郭麐曰瘦客於詩極精所喜為恬愉婉約之音家貧親
老志切功名屢試不第輒啼嗟不已嘗有著云功名何
物偏由命科第人間別有才年三十九卒其友黃愷釣
哭之云世有科名非爾力命無窮薄坐詩工讀者為之

涕揮

寄郭頻伽磨

小院花殘病起遲吟邊酒後劇相思
蘼蕪綠到同行處楊柳青于折贈時
兩袖龍鍾傷別淚半生狼藉寄懷詩
香車綴綬春多少愁煞江南杜牧之

貪睡自嘲

向來有愁惟索醉近緣無事更貪睡
睡鄉却勝醉鄉甜箇中誰復知其味
自甘嬾惰故無匹偷閒得睡如食蜜
有時借酒

作睡媒過而不留亦奇策破曉不聞雄雞號入夜不見殘燈滅綸竿書卷舊生涯一齊拋棄何足惜蒙頭強起對花枝窗
前久立人道癡

送郭頌伽之湖北

辛苦求生計艱難事遠行貧能磨傲骨風已作秋聲落月霜
天曉斜陽水驛晴加餐期努力送別故人情

題洪雪璫春江惜別圖卽送其歸臨海

石梁一道問天台洞口桃花舊日栽投老一官如夢斷萬山
堆裏故鄉來

夏日雜詩

簾紋如水定微波隱几風清一夢過雨月賓朋疏問訊連年
詩集費編摩居偏近寺尋僧便花不趨炎背日多藥酒繩床

都好在相如消渴待如何

老屋臨流剩數椽
莫嫌生事太蕭然
秋聲已到夜窗竹
暑氣不侵高樹蟬
未見書當從客借
無名花亦動人憐
此身自分長閒却
想約鄰翁上釣船

石苔頻掃草頻刪
合謝塵襟早閉關
一技不工惟善病
三生有福得常閒
海棠花放新秋近
沈水香消午夢還
慵讀道書支倦枕
居然屏上看青山

南湖絕句

水楊柳近碧闌干
微雨人家作午寒
牆裏小桃花一樹
只分一半與人看

西湖卽事

人喧渡口釣船還
午夢驚回一枕閒
忽聽湖頭飛急雨
開窗

已失萬重山

雪後泛舟

朔風寒到鷓鴣裘只少沽來酒一甌
一路蓬窗看未定有梅花處便停舟

星星燈火夜船生寒柳梢頭月又明
不礙樅枝搖動處船頭聽盡碎冰聲

除夕口占

蓬門寂寂夜如何索債還勞客再過
倍覺今年貧病甚酒錢常少藥錢多

雨窗卽事

茶烟散盡藥烟消聽雨閒窗太寂寥
幾丈庭梧遮不住一聲聲上碧芭蕉

春陰

何苦東風如此寒又吹冷雨滿闌干催將花信番番起數到
明朝九九完客病不嫌過客少春晴更較得春難驚心一樹
梅初落自捲疏簾爲起看

春夜大雪酒後率成兼寄黃退庵諸君

東風夜來吹更急吹斷雨聲風亦息三更已過月未上紙窗
黑夜離離自主人懽騰酒未醒道是梅花不是雪梅花有語
客何醉如此奇寒君不識窗中之人庭中花對面各自寒暄
別若非牀頭酒一瓢今宵那得脊梁直扶醉獨倚闌干立撲
面霏霏如玉屑最憶黃家馴鹿莊過元宵便與花別誰知天
公劇好奇又遣滕六施神力只此花開十日中雪是今宵月
前夕月色固佳雪更佳月殘以雪補其闕南隣米老可石與

亦豪酒應同載驢同策惟我蕭蕭紙閣眠曉夢定落溪橋側
何當題詩寄諸君并與梅花話相憶

雪晴

日影迷離兼雪影恰來清曉共疎簾小庭已有鳥鳴樹一面
忽聞雨滴檐新霽天真如夢醒東風寒尙向人蹤客窗檢點
閒時事燼要重熏酒要添

最憐絲鬢太蕭蕭似雪添難似雪消天乍晴時人未出春當
好處客無聊小梅定更開生面垂柳休將損瘦腰九九已過
寒尙在都忘節物近花朝

雪後復雨

茅簷壓頭三五尺雪消未盡雨又滿不知寒雲爾何癡未暝
使我小窗黑因思今年節物早十日前頭已驚蟄東風吹雪

以吹雨不許春天放晴色坐使春江桃花如女及笄嫁未
得天公無亦猶人情欲與好春故吝惜人生無過一百年忽
忽我年過三十譬如一歲之春光無端已去三之一秉燭夜
遊古所云此意當年苦不識如何東風劇狡獪吹柳則青吹
鬢白我欲綠章上封事新晴處向東皇乞僥幸天公從我言
客貧能辦一雙屐

春草

閒處偏多暖處先東風一到便芊芊慣依曲曲彎彎路好染
濃濃淡淡烟人立池塘應記夢春如碧海欲連天任他徧野
重重綠一歲能消幾醉眠

溪上書所見

小樓粧裹太遲徊知被雛鬟促幾回莫倚娉婷羞不出阿娘

已上畫船來

波光如鏡午風微燕尾釵邊蛺蝶飛三尺畫闌低近水半揜紅袖試漙衣

昌黎云我年未四十而視茫茫而髮蒼蒼而齒牙動搖今吾亦然各賦一首以志余衰之早

我質苦愚魯而常嗜經籍新書日幾行人十吾則百如何近年來我衰先目力模糊一燈前對此數行墨儘力費摩挲或反致昏黑將無看世人刻意別青白天心愛和同以致遭譴責有時尋江梅不辨花與雪有時逢麗人惟見朱與碧徜徉道路中豈無客相識彼或遠能見我反近而失其人疑我驕往往易生隙青天亦有雲明月亦生魄造物理固然微軀何足惜所惜傳家書著錄未盈尺中年作鄧攸向後安可測勞

力竭昏蒙枉尋尺猶直無奈少壯心近亦漸冰釋深夜坐寂
寥殘燈耿虛壁

絲絲河邊柳青青原上草經秋暫黃落俄而又春早人不如
草木一衰那得好我生叢百愁兼之病魔擾前年三十二幾
作顏回天僥倖得再生病起已秋杪因之生二毛始生猶甚
少我怨務盡刪其迹亦如掃繼而刪復生結黨拒搜討一經
之不窮居然首將皓吁嗟百年身各各具懷抱謂爾志求官
未識長安道謂爾志學詩不法杜陵老徒然四十年冬烘具
頭腦及時能有爲豈敢惜枯槁無奈鏡中容欲辭愈了了

列齒互依倚有若居比屋其間一屋傾左右失連屬我初如
騶馬終年櫪常伏我齒不如馬彼長我則落嗟汝齒亦窮三
月食無肉盡鹽一百幾算汝平生福近年又厄之輒欲離其

族始猶蝕其旁俄而月虧朔上則鳥覆巢下亦車脫輻或先
凹其中枵然作空腹或復削其半似劍芒易觸有時對盤餐
貪饕中所欲咀嚼齧渣滓缺處易停蓄剔抉所不到有手亦
徒東吸之噴有聲如風動山谷我聞慧業人獲報往往連伶
俐非汝能此孽何由作或者恃強直入世陋齷齪雄談倚古
人肆口罵流俗安見兩說持我直而彼曲居然長爾驕稜稜
見圭角衡理貴平心此盈彼必縮區區百年身其質非金玉
遲早同一衰所爭數寒煥不朽古有三得一人已足立言敢
曰能或謂詩可學視我舌而在有書尙能讀齒豁何足計十
亦存五六菜根咬能斷轉眼春疏綠

徐元始

字逢年烏程人
著一校遺稿

宿山莊

日欲黃昏高岡餓虎蹲頻尋荒草徑投宿亂山村土銼稀
煙火繩牀積水痕時豐邑大水居人方苦病租吏正敲門

姜虬綠

字青來號海樵歸安監生
著浪遊草大海樵人詩

陳焯曰海樵出樊澤
卜居島崖魚山之西

遊霍童山

神山俱在東海東蓬萊萬里蟠空濛納日吐月摩蒼穹就中
精氣洩不盡別開靈斧鑿雙童大童小童聯青葱霍林洞闕
高穹窿摘星臺起天之中石壇萬古留仙踪牀頭有棋殘子
紅屏風九疊雲錦重曲廊橫延三十丈鉢盂玉鏡凌虛空香
爐欲起煙蓬蓬井邊仙甕汲不得丹竈藥日神砂封真人真
人名霍童茅卿韓伯鸞雙峯怡雲百步俱仙翁我亦候轉當
飛翽與汝跨鶴騎紅龍紫微絳節幘幡從貴人玉女展仙謁

同日受拜齊三公舉酒大賀玻璃宮逢逢撾鼓金鍾百歲
老人頭蓬鬆馬家小妹冠芙蓉真珠玉佩聲玲瓏中岳太極
都方瞳鶴林主人支長筇華裾翠珥八座同豪呼一飲傾千
鍾羣頭醉倒長朦朧任爾却火吹罡風天荒地老青濛濛

辟支岩

杖策壁岩下岩頭空翠晴其中豁高宇日夕飛秋聲萬古滴
不斷一痕山露清松間照新月分外晶光明

遊武夷山

大王雄踞晴川前陡削萬仞天梯連碧樓金字通飛仙娉婷
玉女垂雙肩琪花簪簇爭芳鮮小藏翠閣秦時船風風雨雨
三千年架壑不墜從空懸大藏更有青篙竿船頭直指齊州
煙中有兩蛇金線纏虹橋飛插雞窠間隱屏卓立當中天千

尋接筇斷復聯棹歌鐵笛聲若寒天游一覽溪曲全諸峯巖
作盆中山又如羣仙聯鵷班手持綠玉峩其冠三仰壘一層
雲顛高高又在天游先大笑一局天地翻逢鼓子聲喧闌
和以環佩清璆然白雲岩上臨高軒山勢欲盡還平田莽蒼
一望秋無邊

石承烈

字聲初歸安監生

陳輝曰蓉湖喜與賢士游應京兆試南歸盛暑舟
抵蘇州病卒故交爲置冰舟中兼程抵家而斂

納涼

脩然清遠對溪山岫影參差水似環且任金丸頻出沒只將
蠹簡樂清閒雨餘窗竹含新意風淨池荷有好顏憑藉提壺
發高興詩成月挂柳梢間

戴承熙

字坦之號緝亭歸安
監生著緝亭詩草

南湖櫓軒錄

卷三十六

石承烈 戴承熙

書

登宜昌城樓

江山舊名郡登眺識雄模巴峽連夔蜀荆門拓楚吳陸城餘
故壘秦燒長蘄蕪自古畱遺跡踟躕日欲晡

將入成都馬上口占

井絡分星野江流繞錦城金隄千里潤玉壘兩峯明經濟存
諸葛文章自長卿從來多勝迹驅馬不勝情

黃竹嶺

山山不斷白雲生一逕擎雲杖策行嵐氣濕衣身未覺石棧
礙屐齒頻更几山行難夫俱帶有名脚馬子者上具四齒舊
意閒花逐澗弄波色老樹穿崖藏鳥聲好景欲忘爲客路那
知身近海南城

山行口占

林巒翳鬱草蕪迷客路縈紆日向西行遍春山增恨望杜鵑

花發杜鵑啼

高瑛發

字藁服號何園長興諸生著紅蟬集

簡王大希珍兼呈錢長農先生

贈取新詞譜樂章雙鬟按拍唱玉耶他時若懸旗亭壁可許

狂名綴末行

五十能詩愧達夫空勞海底網珊瑚年來聽鼓洲靈瑟江上

青峯道得無

始沈高底珊瑚網劉若龍詩高遠夫長農贈余句也

丁亥文

字顯按號登進長興諸生

采若編身文至性過人母病顛垂二十年寢食不能自主牙文與妻費日夕互侍時飢飽聚寒煖久而弗懈兄弟同炊日首無間言邑令方公表其閭

登磨盤山

行盡寒林路峯高別有天湖光浮樹杪村落聚人烟樵唱暮
雲隔估帆殘照懸莫言秋冷淡紅葉似春妍

丁

晉

字念繁號思齋長興諸生

晚眺

亭外木落遠村微天末行行候雁飛一桁秋山晴遠郭夕陽
影裏采樵歸

沈作忠

字觀光號半隱長興人

偶來

貧士無干渴幽居簡送迎偶來芳樹下便覺春風生地僻避
人跡山空聞鳥聲茅齋獨歸詠夜色轉淒清

鍾

澧

字折湖號六峯長興監生
青詩乙編年六峯文鈔

丹徒道中

兀兀飛閣坐閒情問水程岸高風力聚波緩晚潮平月色浮
瓜步帆痕遶甌城南徐極目處燈火照江明

夜坐

獨坐如僧定孤清十笏栖夜沈燈影細霜重雁聲低吟思寒
於孟交情蠟似燭多愁已妨睡窗外更荒雞

茲

字芝宇長
興諸生

客中詠梅

半窗明月暫勾留。忽漫幽香慰旅愁。客裏無魂爲君斷。莫教引夢到羅浮。

字效曾號遂軒長興人乾隆甲辰進士

遊仙詞

縹緲雲山路幾千天台自古寓神仙卽今劉阮復何處流水

桃花終杳然

蔣典學 字鴻鼎長興諸生

不若獨典學少所馳不羈所壯折節讀書綜達經字尤
寔于三禮注疏遇善本輒購之久之所積益夥邑中潮
獻書家既沒散亡殆盡遺稿亦湮

和陶淵明癸農去我久

十年窮詩書旨趣尚未真酣然娛長日惟覺酒味淳十月
陽周綠醅已芻新簞瓢樂回憲縱橫陋衍秦負喧茅簷下窗
隙飛埃塵念彼荷鋤者手足多辛勤我徒適志意庶事弗躬
親釋此翰墨場何計渡迷津力挽桑榆景重整頭上巾藉茲
杯中物呼吸通前人

徐樹菁 字芳洲長興人

下若寺訪吳真逸

孤蓬停野岸一徑入禪扉古寺夕陽色閒庭黃葉飛
書聲聞宛在茶話坐忘機鳳與先生約西園臥翠微

蔣

增

字方川一字伙濤長興諸生著芳潤堂詩鈔

采若編增家貧嗜學夜讀以曉鐘爲節稍倦輒自擊其首或冷水沃面俟神爽復讀寒暑弗輟已亥秋滿命數限之亡何嬰瘵疾逾年軀血卒

郡城

潯遠吳興郡年來幾繫舟人臨春水立簾傍綠楊鉤花港鳴柔勝紅橋外畫樓更憐煙景晚漁唱起蘋洲

客况

物候逢秋換偏教旅次驚淡煙菰葉浦涼雨豆花棚肩豈吟詩瘦身因作客輕有懷誰共遣徹夜傍孤檠

深院

綠潤展蕉書香霏添獸鼎深院寂無聲花枝移日影

春江

喚罷單鳩恰放晴綠楊津畔暮潮平春江水色明于鏡着箇
瓜皮艇子輕

曉渡

寒流渺渺蓼蒼蒼客子歸程戒曉裝渡口喚船人未起西風
索壓一蓬霜

陳如騅

字又陶號芥堂長興諸生著白水山房集

雨後過甘露精舍

林梢潛方霽一雨添新綠飛泉漱石橋斜日吹茅屋亭下不
逢人門掩數竿竹

藏拙懷古

一蠶紅雲鎮海樓古來形勝望中收
運乘割據鍾天目勢挾
提封抵石頭強弩自回潮八月錦衣空老樹三秋最憐陌上
花開後緩緩歸時憶舊遊

王森穎

號尊園德清恩貢
生著雙虹偶存稿

吾鄉村落例於清明夜担粉虎祀而送之名曰送白虎
以祈蠶也余以爲可補風土記所未備戲作此辭

陌頭桑葉初破尖清明細雨朝廉纖東家西家送白虎乃在
月黑夜靜之茅簷小姑今年年十五甫聽鶯庚鳴拂羽盡眉
纔了屑香杭捏出於菟豐兩輔鵲毛作鬚椒作睛坐以雪碗
何爭寧一笑戲作勝常拜禱詞歷歷明且清去歲蠶滿筐收
繭不盈筐腰鼓鑿鑿陳旨醕何以侑之雞拒妝爾今聽我舍
此徙南山有羊北山麋紙旌前導巫後從穴土如甃封其宮

今春大藺多同功嫁衣百領儼自縫

渡江

江水涵虛碧輕風一放船雲霞蒸遠樹鐘磬落危顛海立潮初上天青月倒懸濟時吾有願舟楫愧前賢

周

趙

字子同號玉井海寧人乾隆乙酉舉人官中書著玉井山樵詩鈔

杭州府志孝友傳周蓮家多藏書偕其弟春自為師友乾隆乙酉領鄉薦父中風危篤籲天請代及卒勸絕復

趙發頓白所著有舊五代史鈔五百羅漢志
寄懷秋坪夫子時遊洛陽欲歸未果故末句及之

極望霜天照眼明數行征雁動離情楓林野月連滄海柿葉驚風入洛城已覺乘居荒硯雨還逢佳什感秋聲憑闌點筆添鄉夢憶此東山映水清

渡京口憶坡公金山詩

仙翁笑傲筆生春遊戲人間自在身便使無田歸亦得不知何苦誓江神

金兆璫

字與遠義烏諸生

遊鳳山逍遙洞天

洞天斷裂石稜驕葉染微黃木未凋却道神仙還有訣不丹不藥但逍遙

盧

檀

字然雲一字介山東陽諸生

樓上層曰介山禪見洽聞能詳掌故論古鈎微審密余嘗與抗辨古文所以得失者介山曰志固如此但須嚴嚴精與勿徒做嘉隆七子外強而中乾也余奉爲正論

初冬杭城書懷

兀驚歲序逝堂堂蝸角功名屢闖忙梅解醒人光逗月初晚
香書屋梅 竹緣得主晚凌霜豪華舊擅臨安俗澹蕩新開處
開數朵

上莊借問故鄉何所羨
蟬肥酒熟橘初黃

徐

炳字春占東陽貢生

竹軒歌

溪南山北崢波立絕好
峯仍秀溪北當峯結屋
瞰迴流繞屋碎烟散
頑石軒開山半敞於雲
雲背竹光圓紫紋盡
道此君意不俗味腴於
肉凝清芬置酒高堂醉
濃綠半捲秋聲噦窮谷
披塵拭翳亮高風灑絕
乾坤故不縛我生骯髒
詩人心苔斑瘦節歸豪
吟續竹斷竹擅飛土細
證此君知不住

鳳山雀槽池古松

圓於紫蓋碧於煙
瘦節支離已近仙
倒浸雀巢驚墜水
難馴龍性欲參天
風雲老護二千尺
泉石根深五百年
道是一層俱不俗
洗心洗耳總翛然

盧永焰

字松園東陽諸生

寄樓蓬萊

春波二月碧於油，鎮日茅堂信獨遊。
笑客淵花低躑躅，愁人羈鳥叫鈎輈。
如君闊徑高青眼，歎我耽吟遂白頭。
疊嶂連崖舉一點，繫心偏解憫虛舟。

陳家模

字聖紹東陽武義諸生

陳頌曰：理學詩，吟咏鼓琴擊劍，岸然自異，藹然其詩，可倚。

約突泉

我來濟南已數月，喜與山窮水出沒。
泰山窵窵不得尋，走馬歸來看釣突。
竄向崖陰脉絡清，伏流至此乃有聲。
騰空陡穿三兔窟，激響元與雲雷爭。
此景由來天下絕，七十二源稱第一。
裂崖坐對峭寒生，領取西風氣森瑟。
我聞匡廬瀑怒號，又一

見羅剎潮頭高爭如就此而曲折歎洩定自蓬萊齋

自范村舍舟登陸遊雲栖

東陽我故山謂足佳山水及來沱江遊疊嶂誇錯趾舍舟范
村岸信步忽數里嵐光淨我心探勝翻自此踞石散衣襟沿
流整杖履孤亭竦山半有源湜其汴旣恬雲壑情亦碩猿鳥
喜老僧閑清梵證我故元里遙指小飛來山靜孤雲起

渡口寄友

驢歌唱罷倒清螺便趁西風弄碧波棹向錢塘潮已落一船
涼月載秋多

樓元杰

字融儒
東陽人

黃家灘

黃家灘頭落日荒烟爲一線八夫返天清時與月高低水碧

不知溪深淺

王立勳

東陽諸生

讀書

如水新涼夜，飄然篆香半縷。裊寒煙、室疑振葉，風吹揚池。忽生明月上，弦上樂本非資草木。還丹原不羨神仙，牙籤玉軸紛盈，攬詎必前人秘不傳。

盧衍仁

字紹廣，號東園，東陽歲貢生。著白雲集、東園詩鈔。

陳綽曰：衍仁幼孤，力學始見。桑工部調元謂之曰：賢生。鄉先生後當竭力振興，毋使吾道益孤。衍仁遂師事之。生平以發學為宗，彰表先賢不遺餘力。請耐庵孫石臺先生入七賢祠，梓其集行世。許文藻、陸東陽出嗣金華從父，講學微山白雲洞中。號曰白雲，不忘所自也。衍仁為建祠洞中，並祀鄉先生，撰白雲祠志。

遊白雲洞同金樸菴金衡仲作

微山兀巉石，中有流雲長。石裂洞門啟，導我來西岡。岡盡見

密林鬱葱森在望磯釣迴岩磴橋行臚野塘入洞淨如洗雪
灑天茫茫是維玉乳吐味較中冷昂花萼共一酌清冽真不
常金君昔賢裔籀成與偕藏述古得先契許公生是鄉七歲
後從父結茅長山傍仍用白雲號以志情無意典型故非遙
後學斯津梁矧復擅佳勝張公會築堂明少傅張忠敏公築室於此有基
勿之壞可爲吾道光上以妥先靈下以恣修藏開來在繼往
如南猶義牆候忽鼓豐隆風雨滋蒼涼精神忽騰上氣誼思
質旁回巖振林木颯颯吹衣裳緩步帳言歸敢謂低殘陽

陳無軒先生權學吾郡知予建白雲書塾惠問有加次

韻湘管聯吟以報

白雲巖巖滿崖屋境擅西郊翳松竹甌山巖巖高插霄乳水
清泠鬱於玉遊息藏修詎曰能翠微深處攤書錄勝地無人

亦自佳況有賢踪寄空谷著號當時不忘本講學風流今在目許自雲先生序東陽出嗣金華從父講學洞中號曰白雲蓋不忘所自也笑予嗜古如蠹魚披拾遺聞珍重錄余類爲白雲志關成書塾志章表知者可道難言俗先生嘉許不辭遙惠同殷勤垂意曲名刻新吟百朋錫驚喜指磨老眼肉湘管高齋想像間悠然淇澳清風穆

謁孫石臺先生墓

金子園林晚照清

山名金子

重尋幽徑拜先生山闌虎鹿羣峯秀

道衍程朱正學明定志我慙堅志壘質疑誰肯闢疑城

先生著

定志編書臨行鄭黜頻回首風月前溪落葉聲

胡

變

字汝淵方水人官刑部司獄著學林吟藁

題耕白舅氏詩稿

重披新句墨香常壯志還將旅思兼風物三秋幽賞足雲山

千里別懷添情當慷慨清商振詩到精微法律嚴况是烏衣
舊遊侶客中酬倡韻頻拈

章紹曾

字穎儒號筠圃歸安副貢生寶
傳子官東陽訓導著筠圃小草

吳山旅舍

昔歲登臨地重來思若何鶯花春事早風雨客懷多寂寂山
齋裏泠泠仙梵過故園歸夢繞三徑自煙蘿

題茗雲草堂

三間小築稱閒棲面面闌干遠樹低嶺色中分城內外溪流
合占邑東西一叢深碧筠初長無限天紅客自迷到此恰逢
春晚晚落花風裏曉鶯啼

鄭甲

字季春號雪橋慈谿人梁曾
孫三弟著雪橋居士遺稿

鄭勳曰先叔雪橋公爲寒村公會孫弱冠有文名善琴
工書畫尤精算學以不得志抑鬱成疾而卒年二十四

病中盡焚其生平所作存者其焚餘耳

春歸雜感

三徑蓬蒿靜掩扉竹鳩啼雨送春歸
秧針出水如羅染柳絮黏天作雪飛
小飲不辭桑落酒薄寒還試薜蘿衣
閒來獨自登樓眺一縷雲煙積翠微

簫聲無復賣餠過紅索秋千冷岸莎
三月鶯花如客樣一春風雨奈愁何
翻階歷亂猶紅藥挂壁蕭疎但綠羅
最是鬢絲禪榻畔支頤長着病維摩

陳同文

字翰青號誦帶慈谿副貢生官靖安知縣著舊雨樓吟稿

鄭勳曰外舅誦帶先生知靖安五年化行俗美公暇以文章課士如子弟知醫貧民多就醫者生平以醇謹自持詩古文詞不多作亦不收拾故所存無幾書法王右軍晚年尤樸茂可喜

任二杏川客姑蘇有懷

握手清樽在山房竹翠陰懷人風雨夕爲客歲寒心明月應
雙照黃花判獨吟秋風愁絕處雁斷白雲深

桂樹山中老空堂獨夜深一燈寒照夢半壁靜橫琴書劍悲
長道江湖識故心何當空谷裏風雨共追尋

關

涵字聖涯號東阜仁和人乾隆壬午舉人

紀夢

陽谷寅賓傍晚曉迎鯉庭肇錫識嘉名已占佳氣充間盛忽訝
祥光繞室生影愛綠雲搖几淨夢回紅旭透簾明剛逢十葉
蓂開候晝煖春遲倍有情

觀四明邱氏所藏百二十家墨

太守畫英早馳驅翰墨場驚才飛白雪癖好結元霜百二家
磨礱三千笏滿牀製宜麟作髓貯以豹爲囊湖自邢夸始工

惟祖氏良犀紋傳易水蛾綠重文房漢殿隄麋錫唐宮麝劑
藏金壺儲漆汁玉玦截松肪按史先推李論材次數張兩雄
角羅邵九子仿程方奕奕輝雙篋庚庚艷七襄芳應薄蘭蕙
價不換琮璜甬上流聲遠村東衍慶長碧煙浮小閣古樹蔭
修廊彩筆珊瑚架牙籤玳瑁褰龍寶符夙契鴻寶發幽光督
護頭銜領侯封世系詳端居時拂拭行部必攜將什襲紅梨
匣分馱紫馬繼策名趨

魏闕捧檄蒞潮陽冰署裁雲錦琴臺泛羽觴鵠調知政暇虎
徒識刑祥余昨來珠海君方駐絲航羊城秋把袂燕寢晝凝
香遂得窺清閤眞堪壓漫堂品題殊甲乙款識辨毫芒圭璧
形俱合禽魚勢若翔刀錢儕劍脊棣月匹藤岡字畫摹義猷
丹青貌鄭王烏丸團箇箇翠餅戛琅琅已比多文富寧須有

力強嗜痴磨亦惜守默樂無荒靜玩俄移晷奇觀歎望洋坡
仙遙遜席越客近承筐細滌澄泥硯輕研湛露漿選詞經纂
組盈帙煥繅紉老我拋鉛槧頻年役稻梁衙齋蒙授簡儉腹
強搜腸欲效邯鄲步深慙藉湜僵雷門持布鼓貽哂在書倉

毛郁青

字潤芝號熙臺錢唐人元存子乾隆戊子舉人榜姓項官鎮海教諭

陝州官舍垂柳初放

淡碧絲絲弄曉煙雨中春意盡中天多情喚起江南夢幾樹
鶯聲泊酒船

雨中過嵒陵

風雨東來過二陵馬蹄泥陷步凌兢古原極目荒春草陰谷
餘寒霽雪棱去鳥遠投關樹暗暝煙高合嶺雲蒸蒼茫回首
情無限往事依然感廢興

蔣學鏞

字聲始號榜菴鄞縣人試之次子學

定香亭筆談鄞縣蔣孝廉學鏞為全謝山高足弟子老
年閉戶於學無所不窺眉上萬氏得紫洲之傳史學冠
天下萬氏沒謝山得其傳謝山沒學鏞得其傳縣令郭
文鎰以孝廉方正徵之辭曰余老且病安能遠至杭州
折節於諸大吏之門耶余益以是高之兩至
鄞不得一見學鏞號榜菴著有三禮補箋

陳史

餘耳刎頸交末路乃相背腐史斷一律公論久茫昧當年救
鉅鹿投虎其立碎張敖壁餘旁坐視亦斂銳故交獨蒙責將
印遂改佩入關得荊符臣主儼易位餘也終奉趙仗義起投
袂迎王竟返國斯舉功亦最耳令受楚封改計附豐沛忍心
賤舊都拔幟預戎隊吁嗟泚水戰計失何足諱如餘終義死
勝耳猶十倍

膏以明自煎歎息龔生天惜膏將點明沕昧徒自保却聘甘

一死殉義豈草草膏盡明不熄流光燭天表班生固史才特
嚴恨已少同時抗節士疎畧費搜討合傳附貢禹義例更難
曉區區因授經無乃見其小未載父老語晦迹譏不早孔光
正背壽相較誰醜好

阿瞞亦梟才權譎善兵計海內久分裂一一費芟刈取之羣
盜乎天下本公器無端慕威文失策迎漢帝當時羣主詔諸
侯誰受制逆節自此萌遂作騎虎勢不蒙一毫力坐受百世
晉司馬襲迹動事止新莽類篡竊藉成業伎倆笑狐媚唐初
奉代王視操真一例可憐受禪壇衣鉢傳世世

沈公笑何公勇退計早定江左使虎臣屢起主兵柄事罷旋
乞身隨例奉朝請晚旋婁湖宅踪跡益遠屏幼主方縱暴殺
人如不勝大臣謀廢立密使遣相訂公但謝不預持義良亦

正云胡許義恭大獄慘窮竟顏柳俱橫屠積尸看盡併從此
得主眷步步踏危罪諸臣死幾時身亦罹冤橫嗟嗟勇退人
暮齒陷非命

孝寬洵將才一戰摧尉遲楊堅篡遂成智勇何誤施士各爲
其主助逆尚有辭韋公故元老與堅素等夷倫諒翟義志宜
連灌嬰師古來竊國徒伐幹先披枝淮南兵再殲典午旋開
基河東屢奔北汴梁刻禪碑九錫加隋公茲事五尺知鄴城
朝以破周祚夕以移平生負威望積效久邊陲晚叩囊底智
適供易代資臣節旣不終佐命仍見遺功成身遽殞勳力徒
爾爲

君憐王淪州功過亦參半進身藉書奕柄用百僚冠風弊漸
革除煩亦助宸斷順宗初政在紀傳合參看密議人不測誤

國定何案得罪蓋有由消息具長笑欲收神策兵軍吏密移
換諸將辭衛尉驚寤始憤惋謂之阻內禪激怒遣遠竄語出
支珍口宦術多欺謾朝士久積忤緘口孰挑難賜死何足惜
北軍歸舊貫承璫暨宏志狐鼠終兆亂浸淫志甘露唐室坐
糜爛令其策畢施兵柄收一旦史臣據爰書怕收南山判平
翻得范公身後議重道信少疑頗多撫卷為三歎

葉

洛

字容水號鶴塗
錢塘歲貢生

山居苦雨

雨亦尋常事春過尚未晴濕雲生柱礎倦鳥傍簷楹興盡書
慵讀愁多酒易醒如何能被寂繞室自行吟

白牡丹

澹雅安吾素何須富貴誇客從姚魏至不識牡丹花

孫映樾

字月卿桐鄉諸生

方廷珩曰月卿精篆隸工書畫海鹽陸太冲桐鄉陸丹叔兩先生極器重之中年潦落不遇卒於京師友人嚴石帆梓

其詩

雨後期友人不至

夕雨溪上過不知溪月上涼颼發天末雲際露清幌烟鳥棲
復驚風泉斷猶響之子期不來抱琴結遐想

秋日過姥溪村舍

好風吹客櫂來訪故人家秋水半篙沒柴門一逕斜維舟方
落日把酒正黃花脉脉相思意重逢興不賒

雨後過半舫齋

雨過寥天淡碧痕好風攜屐夕陽村沿溪一逕無行迹芳草
隨人綠到門

寄灌花子南湖

美人遙望渺烟波
采采芙蓉一棹過
無限相思落秋水
宵來流夢到鴛湖

題程雲巖秋江紀別圖

西風吹上木蘭舟
剪剪輕帆水亂流
他日相思渺何處
半江紅樹夕陽樓

陳庭松

字筠齋號超山人乾隆乙酉舉人著超山詩鈔

上崇木曰外父超山先生少攻書家徒壁立從人借書讀之得通經史工詩古文詞爲天台齊息園先生所知有真讀書人之目

黃河懷古

浩蕩烟波薄太虛
淮河清濁尙堪疏
桃花古渡未全漲
楊柳新堤看漸舒
自昔漢唐無上策
至今宋白有成書
東南漕粟

軍儲備遼海雲帆統不如

題放翁祠

在瑞邑署內

四壁藤陰半畝池放翁亭上放翁祠風雲蜀道控弦日書劍
羅陽典簿時千載德脾仇覽節一腔忠愛杜陵詩即用辨香祠聯
我欲尋芳躅江海茫茫入夢遲

明季三奇女

刺胸匕首氣飛騰貴主喬粧翠黛凝鸚鵡千鈞空發弩費言木刺

一虎誤殺獨含餘恨殉思陵費官人

胸蟠花繡手長纓蠻髻銅鉦舊建營失險猶能屯石砭張獻忠據

成都良玉退保石砭不與賊通可憐開府未知兵川撫邵捷春秦良玉

南國佳人鎮道州北宮孝女授春秋與戶兼抱城隅痛湘月

江花萬古愁雲英浙江蕭山人父至緒道州守備與賊戰死雲英率數十騎詣賊壘奪戶還莊烈嘉之援遊

兩浙輶軒錄

卷三十六

陳庭松

哭

學代父守城後聞許字夫賈萬策遇害襄陽遂辭官歸里聚族姓子弟授經自給終身不嫁 沈雲英

李

品

號蓮仍蘭溪諸生著有仁門詩集

五人墓

一笑輕生死屠沽墓亦尊五人同俠骨千載魂奸魂氣激中
吳彥霜飛破楚門白堤松檜老風雨傍山根

秋日渡太湖

依然漂泊入吳天策杖松陵喚渡船風雨滿城孤客去魚龍
吹浪一帆懸荻花洲裏傳漁笛楓葉江頭冷暮樹一望蒼茫
雙眼豁吟情青簫綠蓑邊

邨居

幾處人家傍一邱夕陽芳草飯犁牛白雲遮斷紅塵路不放
桃花入水流

嚴文叔字晚耘仁和人著

舟中曉賦

木落風寒鳥亂啼扁舟曉出泖湖西殘星幾點月猶在濃霧
四圍山盡低渺渺客途隨候雁迢迢鄉夢破晨雞年來到處
輕遊棹露宿霜征傍野堤

楊春字南綱桐鄉諸生

方廷珞字南綱七歲時即能吟詠所著香波學吟小
橋吟稿二卷宋桐川前輩極獎許之及長淹貫百家子
史之書並工繪事遊虎阜廣陵黃
山諸勝地嘗作圖賦詩以紀之

擬貝清江項爰山隱居用元韻

蕭蕭風雨滿山村林霧溪烟畫亦昏春送落花歸別澗鷗迎
新水到閒門客來且喜能沽酒日暮何妨牧野豚俯仰幽居
生意滿蘭孫長後又桐孫

九日

沽得茱萸酒狂吟不自由天寒初見雁新雨獨登樓作賦空
慚宋題糕更笑劉黃花簪滿鬢一醉復何求

嘉禾卽事

白波蕩漾鏡中看行過龍潭鼓角聞一夜西風黃葉落五更
斜月曉霜寒官塘鴉噪漁初集野店雞鳴夢欲殘最是蓬窗
愁獨坐此時誰念客衣單

汪應紹

字賓士號柳湖錢鼎人乾隆
丁酉拔貢官順天南路同知

秋夜道中

荒驛殘燈古渡頭征人暫此息鳴騶亂雲哀雁千山夢疎雨
寒蛩一徑秋草色淒迷侵遠道酒甯搖曳入新愁明朝又渡
桑乾去心逐渾河日夜流

憶西湖

記得年時放櫂頻重湖間玩物華新雨餘花港喧漁市酒熟人家賽社神往事十年勞夢想素書千里隔音塵何當南北峯頭坐占斷玻璃百頃春

陳寅

寅

字子畏號畏齋杭州府學諸生錢塘人著聞寒蟬閣吟稿

陳鴻壽曰叔父畏齋先生秉至性有夙慧沈靜好學手自編錄幾于等身尤工詩文漸至于古之立言者年十九督學李公宗文識拔補博士弟子員逾年得疾卒叔母朱撫吾弟穀曾爲後茹荼飲藥數十年如一日也

和元人五臺懷古

姑蘇臺

一顧傾城況再顧暗把興亡帳中度作臺長擬貯妖嬈臺若成時妾當去一物能銷美里愁數言頓撼鴟夷怒國中顰態變東西宮裏謳聲失朝暮夜深誰見越兵來惟有伍員塚頭

樹若耶溪上羞再歸百花洲前休更住范郎相對莫相疑但
遇新歡誰憶故要使君心信妾心請君同泛煙江路

章華堂

豫樟斷棟連雲起目斷瀟湘一千里臺成遣幣走諸侯魯侯
惆悵荆王喜良弓虛賜復來歸長鬢誰歟紛相禮盜方有寵
樂何如龜豈無知罵未已臺上繁華不耐看又向州來被翠
被作臺木爲罪人歡囚著王衣代王死莫待投車泣衆兒始
悔當年殺人子請憶巴姬埋璧時小郎豈是諸兒比

朝陽臺

帝穿夔峽埋瑤姬碎號巽二驂龍隨嚴封嬌霧曳愁態雌猿
淚激灘鳴悲天上走媒胡不早人間得婿莫教遲長蛇舞旂
珠噉轂君王來戲春風時春風帖帷贈香夢夢裏看山山衣

飛細腰滿宮如欲死陽臺粉蠹精靈枯蕙羅蘭鬢暗歸去繁
雲漏雨昏叢祠雨雲不濕蒼梧路差遣湘中帝子知

黃金臺

入門照滿黃金色盡掃風雲會東北郭隗未必解亡齊天下
聞之氣先塞不見涓人買駿歸駿歸骨朽空殘質千金一擲
爲虛名死馬啣恩生馬泣知己相逢力更雄汶篁故鼎終朝
入名城七十盡封疆何況區區莒卽墨天公底用妬臣心地
下何顏謝君側欲覓燕臺臺已平望諸墓畔今蕭瑟

戲馬臺

征驃合沓關西來按劍一咤千山雷江東子弟八千騎朱旗
捲日風雲開萬里踏微馬蹄響十日不散凝塵埃項王彭城
喪錦樂亞夫彭城朝露哀垓下楚聲夜深起鴻門意氣胡爲

哉時不利兮騅不逝故鄉可迴羞不迴臺邊秣餘生苜蓿陌
頭馳過空蒿萊龍顏沐猴安足論蒼茫何處歌風臺

詠燈十六韻

莫教后羿射難返魯陽戈又是寒宵近其如良夜何日驚窗
裏見螢在室中多報喜欺人慣將愁伴汝過化為秋寂寞悔
却畫蹉跎顧影呻吟鬼攤書引睡魔生花遮眼黑無酒映顏
酡漸解丁香結休聽子夜歌光明心事徹搖漾夢魂訛玉枕
空憐剩銀缸定照他陽迴陰後僅生向滅中俄燼爲敲棋落
鄰因鑿壁河飄零星隕石煎灼海騰波暗裏跳羣鼠炎中殉
閑蛾燭疎風力緊簾薄雨聲和短焰銷殘燭詩成仔細哦

朱鴻楷

字茂仁號吟隱桐鄉縣貢

陳鴻楷
兄弟
諸次省會
輶軒爲吾家前後凡十五年聞緒論

題詩性孝友嘗乞方丈蘭如作陔蘭圖翠養之顏見一
斑矣中開余遊禾中過丈小員營谷曾題句云蕭蕭雨
三個不滅萬箇雷疊石臥清影開簾受細香雨絲寒酒
盞花片點琴囊遲我十年到吾橋舊草堂時春橋先生
已歸道山之
故未及之

石佛嶺

離山數里遙石佛半空現屹立白雲中巍然俯郊甸色相本
天成何勞金碧眩松杉當袈裟烟霞供羞膳閱歷數千載莊
嚴豈更變不藉五丁手面目真已見下視往來人行險頗兢
戰環溪水千尺奔流如急箭彼岸庶誕登慈航仗利便

題片石畫冊爲伊耐園太守作

玲瓏留片石小築稱游觀山影秋來瘦江波雨後寬時逢冠
蓋至寫入畫圖看瀟灑能超俗行吟傍藥闌

元龍豪氣在位置最高層烟戶春城樹漁船極浦燈圖經辨

吳越霸業感衰興百斛龍文鼎扛來健筆能

秋蝶

作隊成團記往時南園綠艸最相思韓憑化去魂猶豔宋玉
看來賦更悲雨後晴蛤荷葉舫風前蟋蟀豆花籬幾番腸斷
流光換爲問莊生知不知

柳絮

黏空一片白漫漫春事闌珊感百端嫩綠陰中吹作陣小紅
橋外滾成團玉塵訝逐微風起青眼翻疑隔霧看入水漫愁
經宿化尋蹤已過釣魚灘

朱鴻盛

字新甫號夢村桐

方廷瑞曰新甫先生與汪雲望殷璠條堵也少時角逐
文場有瑜亮之目而先生僅食廩餼兩應
南巡召試皆報罷旋以親喪哀毀致疾卒雲望常曰吾於新
甫畏其才而愛其品蓋親知中第一人也聞其死不勝

人琴之
痛矣

題秋水吳門百詠

蘇臺風月足關情妙筆描摹似寫生
好付桐橋小兒女夜深一舸按歌聲

手澤曩時詩百篇雞林傳購海雲邊讀君新
句添惆悵風木

悲懷已一年先君曾有蘇臺百詠後爲閩人購梓而
去今先君見背已一載矣思之茫然

鍾蒙宋丈將謁吳門彭大司馬作此贈行

剪燭西窗酒屢傾驪歌忽動別離情
一帆梅雨鴛湖水三版花船鶴市城
共惜分途成間阻還期返棹再逢迎
尙書開閣招邀久只恐相留滯客程

贈吳澹川

之子能超俗論交見性真
琴書常自樂藜藿久忘貧
千里客

遊處頻年失意人
詩才工五字
孤潔靜纖塵

庚子下第後作

鴝鵒鷓鴣自古憐
累遭棄置淚潸然
描來花樣珍如錦
撥盡琴絲細若烟
人憾遺珠迷五色
我愁韞玉更三年
劉蕡縱使當時惜
無奈蟄弧已占先

夜泊石門憶胡梁園吳香竹

桑柘陰陰暮色中
漁舟遠映一燈紅
倘教舊侶遙相憶
誰識深宵宿短篷

姚日宣

字潔士號珠山仁和
人郡諸生著珠山稿

秋夜聽琴

一簾花影浸閒庭
楚客琴思入杳冥
沙岸月明秋落雁
石樓人靜夜飛螢
意中流水依稀白
絃外高山想像青
若把十三

徵按遍也應哀怨動湘靈

章

璣字錫文諸暨國子生著竹林詩課

思友

暮春和氣應萬物生光輝雜英滿芳田好鳥鳴高枝佳人處
遐遠軒車來何遲引領望天末白日西南馳徘徊殘落景餘
光照我衣慙慙感物歎路長當語誰

春日幽居

幽居捐世事獨坐一園春時有落花至惟憐鷗鳥親眼邊無
俗物天許作閑人自有林中趣清吟愈病身

趙咸寧

字首乾號蔗餘錢塘人

七夕

纖月生西林照見東牆白此時樓上女穿鍼情脈脈河漢高

無梁飛鵲不見跡
燦燦衆星明天人
邈相隔秋風吹中
園寒
聳鳴四壁以此感
客心俯仰悵今昔